



Lefu la Sefuba



Theresa Segala





Tshepo o kenwe ke serame mmeleng. O a thothomela ebile o a thimola. O opelwa ke hlooho. Tshepo o a kula.





Tshepo o sebetsa hahalo, ho tloha hoseng ho fihlela thapama. O sebetsa ho bata, a sa apara diaparo tse mofuthu. Jwale o kenwe ke lefu la sefuba. Ke mokgokgothwane. O kula haholo.



“Mokgokgothwane ona o tla mpolaya. O kotsi haholo.” Ho rialo Tshepo. “Ha ke lakatse dijo, ha ke lakatse letho. Ha ho se kenang. Masole a mmele wa ka a a fokola.”





Mora wa hae Mpshane o tshwenyehile haholo. Ntate ha a je, ha a robale. Hape o dula a pitika. Mpshane a realo. Mpshane a tsoha e sa le ka meso a ya thabeng. A kgutla a tshwere lengana. Naa Tshepo o tla le nwa?

Mpshane a pheha lengana a le fa ntate wa hae. Tshepo a phaila kopi, lengana la tsholohela fatshe.



“Ntate ha o batle ho fola. Hobaneng o phaila lengana? Jwale o tla fodiswa ke eng? E re ke reke moriana wa sefuba. Ho realo Mpshane.”





Mpshane o dula le ntate wa hae Ya dutseng hae hobane a tsofetse. Mme wa hae o sebetsa toropong. O kgutla hae hang ka kgwedi.

Mpshane a mo letsetsa mohala ho mo tsebisa ka boemo ba ntatae. Mmae a mo eletsa hore a mo rekele moriana wa sefuba.



Ka potlako Mpshane a leba khemeseng, a kgutla le moriana wa sefuba. A nka kgaba a tshela moriana.

Tshepo a nwa a robala.





Tshepo a pitika a tjhwatla botlolo ya moriana.
Jowee! moriana o tjhwatlehile. Ke tla fola jwang? Ke
moriana wa theko e hodimo.



“Ntate, botlolo ya moriana e tjhwatlehile. Moriana o qhalehile.” ho bua Mpshane. “Joo! mora, e bile kotsi. ” Monnamoholo a araba a bonahala a utlwile bohloko.





Mantsiboya Mphane a dula a le mong ka phaposing a shebile thelebishene. O ne a nahana ka bohloko bo tshwereng ntatae. Ha fihla nako ya ditaba thelebisheneng O ile a sheba ka hloko ha ho qalwa ho buuwa ka lefu le leholo la COVID-19. Lona le aparetse lefatshe lohle. Batho ba bangata ba lahlehetswe ke maphelo ka lebaka la lefu lena. A utlwa a tshaba.



Moriana o tjhwatlehile bjara! Sefuba ha se batle ho mo tlohela. Ditho tsa mmele wa hae di bohloko. Mpshane a nahana ka lefu le leholo la sefuba. “Jwale ke o felehetsa tleliniking ho ya hlahlojwa.

Tshepo a kgohlela a sisinya hlooho, a re “Ha ke ye moo, hohang.”





Hoseng Mpshane o ile a ya lebenkeleng ho ya reka koranta. Leqepheng le ka pele ho ngotswe: COVID-19 LE KOTSI, ka ditlhaku tse kgolo. Ha a fihla hae a dula fatshe a bala sengolwa seo hantle. Sa hlalosa matshwao a lefu lena, le hore batho ba tlamehile ho ya hlahlojwa.



Mpshane a qala ho tshwenyeha pelong. A ya phaposing ya ntate wa hae. A mo sheba a le hodima Bethe. Ha a kgone letho.

Monnamoholo o a thimola, o kgohlela a sa phetse. A nka koranta a e shebisa mahlong a hae hore a bale. Tshepo a bala, a sheba mora wa hae mahlong, a mo furalla.





Tshepo o qetile letsatsi lohle a pitika. Ho le thata.
Mpshane a kopa Ntate wa hae, “ao ntate ha re ye
hle. Tshepo a sheba fatshe.



Mpshane a thusa ntatae ho ema. Ba totoba ba kena koloing. Ke bale ba lebile tleliniking. “Thusang! Thusang hle!” Mpshane a hoeletsa. Baaki ba mo thusa ho beha Tshepo setulong sa bakudi. Ba mo isa Phaposing ya tekolo.





Ngaka ya hlahloba Tshepo.

Ya mo etsa diteko tsa COVID-19.

Ya mo fa meriana, ya mo laela ho e nwa. Ya mo hlaba nalete. Tshepo a robala.



Mooki a hopotsa Mpshane ka polokeho ya bophelo bo botle nakong ena ya COVID-19:

- Hlapa matsoho ka metsi le sesepa ka dinako tsohle.
- O ka sebedisa le sanithaisa
- Hlokomela sebaka pakeng tsa hao le motho e mong.
- Kenya semonkwana ha o ya dibakeng tsa bohle.
- Ha o kgohlela kapa o thimola, sebedisa sakatuku se lahlwang
- kapa o kgohlelle setsweng sa hao.





Tshepo o ile a fola sefuba, a ja dijo. Jwale o thabela dijo haholo. Ha a sa pitika. Mpshane mmoho le ntatae ba kgutlela tleliniking ho ya fumana dipheho diteko tsa COVID-19. Ka lehlohonolo tsa kgutla di le hantle. Ba ikutlwa ba imolohile.



Tshepo le Mphane ba leboha ngaka le baaki,
ba kgutlela hae. Ho tloha tsatsing leo Tshepo a
netefatsa hore o apara diaparo tse futhumetseng ha
ho bata.

Ka dinako tsohle o hlapa matsoho ka metsi le
sesepa, ebileo kenya semonkwane.

